



Siverth K. Heilmann

UKA 2020/185

Atassut

20. Oktober 2020

Meeravissiarthaarneq pillugu inatsimmut aamma angajoqqaat akisussaannerat pillugu inatsimmut allannguutit arlalinni Kalaallit Nunaannut atuutilernissaannik peqqussutissatut missingiummut (Meeqqamut pitsaannerusussaq, aappariit inooqatigiit meeravissiaartartarnissaannut periarfissiineq, Ankestyrelsenip maalaartarfiunera il.il. meeravissiarthaarnermut tunngasunik aamma toqusoqarnerani angajoqqaatut oqartussaaneq il.il.) Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.

(Isumaginninnermut, Ilaqutariinnut Inatsisinillu Atuutsitsinnermut Naalakkersuisoq)

Meeravissiaartaarneq angajoqqaallu akisussaannerat, inatsimmut allannguutissamik Naalakkersuisut saqqummiussaqarnerannut qujalluta, imatut naatsumik Atassut-miit oqaaseqarfigissavarput.

Ilumut inatsisartut inatsissaata Naalakkersuisunit tunngavilersuutigineqartoq pisariaqavippoq, meeravissiarthaarnermimi angajoqqaat akisussaassuseqarnerat najugaqatigiittarneq kiisalu oqartussaassuseqarneq pillugu peqqussusiortariaqarpugut naleqqussaallutalu.

Katissimasuunissamik piumasaqaataasoq aappariillu katissimasut aappasup meeraanik meeravissiarthaarsinnaaneq assigalugit kiisalu suiaaqatigiillutik aappariit inooqatigiittut meeravissiarthaarnissaminnut pisinnaatitaaffeqalernissaat tunngavilersuutigineqartullu allat ilanngullugit Atassummiit isumaqataaffigaagut.

Taamatullu naatsumik Atassummiit oqaaseqarluta inassutigissavarput ataatsimiititaliami susassaartumi suliap aappassaaneerseqartigani peqqissaarullugu suliarineqarnissaa.